

Hendingar i 2018

Januar

Fjord1 AS fekk kontrakt for ferjesamband på Nordmøre

Fjord1AS fekk kontrakten for ferjesambanda Edøya – Sandvika, Arasvika – Hennset, Seivika – Tømmervåg og Kvanne.

Hovudkontrakten for Nordøyvegen er lyst ut

Det er den største innan vegbygging i Møre og Romsdal nokon sinne. Statens vegvesen bygger Nordøyvegen på oppdrag frå fylkeskommunen.

Kulturtorget 2018 blei arrangert i Molde

To dagar med musikk, scenekunst, litteratur, visuell kunst og film for tilsette i skole og kultur.

Februar

Regionale kulturinstitusjonar fekk 68 millionar kroner i driftstilskot

Kultur- og folkehelseutvalet tildelte 68 millionar kroner til regionale organisasjonar og institusjonar.

NCE iKuben fekk støtte til ny produksjonsteknikk

Fylkeskommunen løyvde 350 000 kroner til eit prosjekt som skal undersøke behovet for eit regionalt senter for additiv produksjon (3D-printing).

hoppid.no fekk 15 EU-millionar

Millionane skal bidra til å utvikle gründerhjelpa, i samarbeid med seks andre europeiske land.

Mars

Fleire søker naturbruk, færre vil ha medier og kommunikasjon

3459 ungdomar søkte om skoleplass på Vg1 for skoleåret 2018/2019. Dette er 175 færre enn året før. Mindre årskull er ei forklaring på endringa.

Ja til fleire og ungdomsbedrifter

Fylkeskommunen løyvde 1,19 mill. kroner til innovasjonscamp i vidaregåande skole.

1,33 mill kroner til nye Elnesvågen sentrum

Arkitektteam skal gi forslag til sentrumsutvikling i Elnesvågen. Fræna er med i Tettstadprogrammet

April

Seminar om fossilfrie anleggsmaskiner

Vi arrangerte seminar for dei som er interesserte i å teste ut fossilfrie anleggsmaskinar eller kjøretøy gratis i ein periode.

Filmom fekk bronsemedalje

På skole-NM i Trøndelag var det konkurranse i restaurant- og matfag. Filmom Teweldemedhin frå Fræna vgs, fekk bronse.

The North West arrangert for første gong

Konferansefestivalen har ambisjonar om å skape ein arena for samfunnsutvikling og bygge ein attraktiv og bærekraftig region, med foredrag, workshops, debattar og kultur aktivitetar, fire dagar til endes.

Mai

Slutt på trykte rutehefte 1. mai

1. mai var det slutt på trykte rutehefte for buss og ferjer. All informasjon er no digital.

Samarbeid om integrering med IMDi

For første gong har fylkeskommunen og IMDi lag utarbeida ein felles handlingsplan for integreringsarbeidet i fylket.

Fleire jenter i elektrofag

Fylkeskommunen sette i gang tiltak for å få fleire jenter til å velje elektrofag. Prosjektet skal gå frå 2018-2020.

1,3 mill. kroner til landbrukstiltak

Mentorordning for bønder, traktorkurs for kvinner, avløysarkurs for nybyrjarar og nettbasert agronomkurs for vaksne var nokre av tiltaka som fekk støtte.

Juni

Fleire gjennomfører vidaregåande opplæring

Stadig fleire elevar gjennomfører og består vidaregåande opplæring i Møre og Romsdal, viste tal frå SSB.

Over 81 millionar til idrettsanlegg

Kultur- og folkehelseutvalet tildelte 81,4 millionar kroner i spelemidlar til anlegg for idrett og fysisk aktivitet i fylket. Det er ny rekordsum for Møre og Romsdal.

Støtte til Helseinnovasjonssenteret

Fylkeskommunen løyvde inntil 1,5 mill. kroner til Helseinnovasjonssenteret i Kristiansund og gjekk inn som samarbeidspart.

Arrangerte Campuskonferansen 2018

Kva skal Campus Kristiansund bli best på i Noreg, kva for faglege moglegheiter har vi og kor langt har vi kome? Dette var tema på Campuskonferansen 2018, som samla over 100 deltakarar.

Juli

Ny fagskolelov

Ny fagskolelov trådte i kraft 1. juli og ga ny status for både studentar og Fagskolen i Kristiansund.

Fru Guri av Edøy: transport og musikk i same billetten

FRAM og Gurisentret samarbeidde om å kunne tilby transport og førestilling i ein og same billett. Interessa var stor.

Inviterte studentar til jazztreff

KS og fylkeskommunen inviterte studentar til jazztreff for å høyre kva som skal til for at dei skal bli verande i fylket når dei er ferdig utdanna.

August

Ekstra kapasitet på Jugendfest

Under Jugendfest vart det sett opp ekstraavgangar med hurtigbåten til Valderøya og Godøya og auka busskapasitet.

Storfint besøk på Nor-Fishing

Både kronprins Håkon Magnus og fiskeriminister Harald Tom Nesvik besøkte Møre og Romsdal sin stand på fiskerimessa Nor-Fishing i Trondheim i august.

Sterk snøsmelting avdekker arkeologiske funn i fjellet

Vi starta opp ein beredskapsplan for å kartlegge og sikre arkeologiske funn som dukkar opp i snøfonner ved sterk snøsmelting.

September

Natalie Sandtorv og Møremusikarane presenterte lyden av Møre og Romsdal

LARM, Møremusikarane og Nathalie Sandtorv, baud på ei musikalsk nyskaping i Molde, Ålesund og Volda.

Lærlingar førebudde seg til arbeidslivet

Hundrevis av lærlingar og elev- og lærlingombodet møttest på Nordmøre, Sunnmøre og i Romsdal for å få meir informasjon om kva som ventar dei i læretida.

Opning av nye Romsdal vidaregåande skole

Med snorklipping, talar, konsert og kakefest vart det nye hovudbygget erklært for opna.

Den nasjonal BYLIVkonferansen i Ulsteinvik

Konferansen tok opp spørsmål som: Korleis kombinerer vi byliv, arbeidsliv og kvardagsliv i sentrum? Korleis skape gode lokalsamfunn gjennom målbevisst næringsutvikling? I samarbeid med BYLIVsenteret.

Oktober

Kven er den dyktigaste lærlingen i fylket?

Fylkeskommunen inviterte til kåring av 'Årets lærling' for første gong.

Fylkesstatistikken melder om lågare vekst og færre fødsjar

Den generelle tendensen var lågare vekst i folketalet.

Klimasamling for å redusere utslepp av klimagassar

Vi tilbød kommunane starthjelp til å kome i gang med oppfølging av Parisavtalen.

November

Fylkespolitikarane er positive til regjeringsforslag om nye oppgåver

Men dei forventar meir, heiter det i ein uttale frå fylkesutvalet.

Ungdommens fylkesting kåra Ulstein kommune til årets ungdomskommune

80 ungdommar frå heile fylket kåra Ulstein til årets ungdomskommune i Møre og Romsdal. Det var totalt fire kommunar som kjempa om tittelen: Surnadal, Skodje, Nesset og Ulstein.

Kontaktlaus betaling i bussane

Frå november kunne passasjerar betale kontaktaust med bankkort i alle bussane til FRAM.

Fylkeseldrekonferansen

Med slagordet 'Aktiv alderdom - leve heile livet' inviterte Fylkeseldrerådet i Møre og Romsdal, Norsk pensjonistforbund - Møre og Romsdal og Nasjonalforeningen for folkehelsen til fylkeseldrekonferansen.

Desember

Sunnmøre fekk traineeordning

Fylkeskommunen løyvde 1,22 mill. kroner til Næringsforeninga Ålesundsregionen til utvikling av «Trainee på Sunnmøre»

1001 søkarar fekk lære plass

I 2018 vart det inngått 106 fleire lærekontraktar enn i 2017.

Vedtøk Nordøyvegen

Med 26 mot 21 stemmer vedtok Fylkestinget tysdag å inngå kontrakt K5 for bygging av vegar, bruer, sjøfyllingar og tunnelar, og dermed halde fram arbeidet med å bygge Nordøyvegen. Fylkestinget vedtok å gjennomføre bygging av Nordøyvegen innanfor ein kostnad på 5,1 mrd kroner.

Prisar og stipend

Årets bedrift

Fylkesprisen Årets Bedrift vart tildelt Volda Maskin. –Selskapet tek eit tydeleg samfunnsansvar gjennom å satse på lærlingar, fagleg utvikling og støtte til frivillig arbeid. Vi er imponert over kva dei har fått til, sa leiar av regional- og næringsutvalet, Runar

Vestheim under utdelinga av prisen. [Her kan du sjå intervju med Volda maskin](#) etter prisutdelinga.

Trafikktryggingsprisen

Trafikktryggingsprisen 2018 gjekk til Foreldrerådets arbeidsutval (FAU) ved Bjerkelund skole i Kristiansund kommune. –Dei har sett søkelyset på den svært utfordrande og utrygge trafikksituasjonen rundt skolen, og engasjementet deira har vore avgjerande for at dei fysiske tiltaka no er på plass, sa Iver Nordseth, leiar i trafikktryggingsutvalet i fylket. [Her ser du intervju med Linda Odde Godø etter prisutdelinga.](#)

Likestillingsprisen

I 2018 vart prisen tildelt Bygdepride i Ørsta og Volda. 10.-13. mai 2018 vart det for første gong arrangert eit Pride-arrangement i Ørsta og Volda. Arrangementet hadde stor oppslutning med om lag 5000 personar. [Du kan sjå intervju med styreleiar Anbjørn Steinhom Frislid her.](#)

Årets ungdomskommune

Ulstein kommune vart kåra til årets ungdomskommune under Ungdommens fylkesting i november. Kommunen har utmerka seg med særskilte tiltak som ikkje berre gagnar ungdom, men heile lokalbefolkninga. Ulstein kommune har eit svært godt fungerande ungdomsråd som ofte blir tatt med under planlegging og tilrettelegging. [Her kan du sjå intervju med Henrikke Antonsen og Erica Solhjem frå Ulstein ungdomsråd.](#)

Miljøprisen

–Miljø og klima er viktig for oss og har vore ein raud tråd i alt vi held på med, sa ein glad og overraska dagleg leiar Rannveig Nyheim då tildelinga av miljøprisen vart kjent. –Sødahlhuset er eit godt eksempel på korleis det er mogleg å drive næring basert på berekraftprinsipp, seier leiar for regional- og næringsutvalet, Runar Vestheim. [Her kan du sjå opptak frå prisutdelinga](#)

Fylkeskulturprisen

I 2018 gjekk prisen til Smøla janitsjar. I grunngevinga stod det at Smøla Janitsjarorkester kan vise både til eit sterkt lokalt og regionalt engasjement og at dei er ein viktig kulturbærar for regionen. Dei markerer seg kvart år under arrangementet «Smølabonan» i Kristiansund. Då sett Smøla sitt preg på heile Kristiansund, og orkesteret toppar arrangementet med konsert i Braathallen. Her engasjerer dei artistar frå heile nordmøre og artistar med nordmørske røter. [Her kan du sjå film frå utdelinga under fylkestinget i desember](#)

Stipend

Kunstnarstipend

| Namn | Kommune/stad | Sum |
|------------------------|--------------|---------|
| Ane Vik Eines | Mjosundet | 200 000 |
| Ine Harrang | Molde | 50 000 |
| Jon Arne Mogstad | Surnadal | 50 000 |
| Joakim Hunnes | Ålesund | 80 000 |
| Åshild Moldskred | Måndalen | 30 000 |
| Jorunn Marie Kvernberg | Volda | 80 000 |

| Namn | Kommune/stad | Sum |
|-------------------|--------------|--------|
| Øyvind Weiset | Halsa | 30 000 |
| Jan Otto Ertesvåg | Ålesund | 80 000 |

Husflid og tradisjonshandverk

| Namn | Kommune | Sum |
|----------------------|---------|--------|
| Ståle Johan Aklestad | Molde | 50 000 |
| Karin Augusta Nogva | Ålesund | 45 000 |

Idrettsstipend

| Namn | Kommune | Sum |
|-------------------------|--------------|--------|
| Silje Knutsen Kippernes | Kristiansund | 40 000 |
| IL Braatt | Kristiansund | 10 000 |
| Toralv Opsal | Ulstein | 40 000 |
| Dimna IL | Ulstein | 10 000 |
| Vestnes-Varfjell IL | Vestnes | 50 000 |

Reisestipend profesjonelle kunstnarar

| Namn | Kommune | Sum |
|---------------------|---------|--------|
| Karin Augusta Nogva | Ålesund | 45 000 |
| Elida Brenna Linge | Valldal | 25 000 |
| Bjørn Vatne | Ålesund | 15 000 |
| Rune Tafjord | Ålesund | 15 000 |